

# Ukukhuthala

Yiya embovaneni, vilandini; Khangela iindlela zayo, ulumke: Yona ithi, ingenamphathi, namongameli, namlawuli, Isuke isilungiselele ukudla kwayo ehlotyeni, ikubuthe ukudla kwayo ngexa lokuvuna. Kunini na ulele, vilandini? Uya kuvuka nini na ebuthongweni bakho? Ithi, Intwana yobuthongo, intwana yokozela, intwana yokukhwabusha izandla ukuba ndilale: Boza ubuhlwempu bakho njengomhambi, nokuswela kwakho njengomntu oxhobileyo. IMIZEKELISO 6:6-11





Ukugcina intliziyo yakho ngako konke; kuba aphuma kuyo imithombo yobomi. IMIZEKELISO 4:23

Uba lihlwempu osebenza ngesandla esidangeleyo; Ke sona isandla sabakhutheleyo siyatyebisa. Njengeviniga emazinyweni, njengomsini emehlweni, linjalo ivila kwabalithumayo. IMIZEKELISO 10:4, 26

Isandla sabakhutheleyo siyalawula; Ukudangala kufakwa uviko. Odangeleyo akayibhulisi inyamakazi yakhe; Ke ubuncwane obunqabileyo bomntu kukukhuthala. IMIZEKELISO 12:24, 27

Umphefumlo wevila uyanqwena, ungazuzi; Umphefumlo wabakhutheleyo uyatyetyiswa. Ubutyebi obufunyenwe ngamampunge buya kuncipha; IMIZEKELISO 13:4, 11

Ekubulalekeni konke kubakho ungeniselo; Ke ukuthetha komlomo kubanga ukuswela kodwa. IMIZEKELISO 14:23

Indlela yevila injengothango lweminga; Ke yona indlela yamalungisa ithi tye. IMIZEKELISO 15:19

Olivila emsebenzini wakhe ngumzalwana womonakalisi. IMIZEKELISO 18:9

Ubuvila buwisela ebuthongweni obukhulu; Umphefumlo odangeleyo uyalamba. Ivila libeka isandla salo esifubeni, lingasibuyiseli emlonyeni walo. IMIZEKELISO 19:15, 24



Ivila alilimi ngenxa yengqele; Liyafuna ngexa lokuvuna,  
kungabikho nto. Musa ukuthanda ubuthongo, hleze  
uhlwempuzeke; Vula amehlo akho, uhluthe sisonka.  
IMIZEKELISO 20:4, 13

lingcinga zabakhutheleyo zisingisa elungeniselweni  
lodwa; Ke bonke abangxamayo baya kuswela. Umnqweno  
wevila uyalibulala; ngokuba izandla zakhe azivumi  
kusebenza. Imini yonke linqwena linqwena, Ke lona  
ilungisa liyapha lingavimbi. IMIZEKELISO 21:5, 25-26

Lithi ivila, Kukho ingonyama ngaphandle,  
Ndiya kunqunyulwa ezitratweni. Uyayibona indoda  
eyinkunkqele eshishinini layo? uya kuma phambi  
kookumkani; akayi kuma phambi kwabantu  
abaqhelekileyo. IMIZEKELISO 22:13, 29

Ndagqitha entsimini yendoda elivila, nasesidiliyeni  
somntu oswele ingqondo; Yabona, ibisele imithana  
enameva, igutyungelwe ngamarhawu ebusweni bayo,  
nodonga lwayo lwamatye ludilikile. IMIZEKELISO 24:30-31

Njengoko ucango lujikajika kwiihenjisi zalo,  
liya kwenjenjalo ivila esililini salo. IMIZEKELISO 26:14

Kuba naxenikweni besikuni, sanithethela ngelithi,  
Ukuba umntu akathandi kusebenza, makangadli nokudla.  
YESI-2 KWABASETESALONIKA 3:10



Yonke into esiyifumanayo isandla sakho ukuba siyenze,  
yenze ngamandla akho; ngokuba akukho kwenza,  
nakucinga, nakwazi, nakulumka kwelabafileyo, apho uya  
khona wena. INTSHUMAYELI 9:10

Ngobuvila obuninzi isakhiwo siwohloka; Ngokuthamba  
kwezandla iyanetha indlu. INTSHUMAYELI 10:18

Lowo ubayo makangabi seba; kanye ke makabulaleke  
esebenza okulungileyo ngezandla zakhe, ukuze abe nako  
ukwabela osweleyo. KWABASE-EFESE 4:28

Musani ukuthiya umsebenzi obulalekayo, nantsimi  
ayimiselo Osenyangweni. INTSHUMAYELI 7:15

Umntu olivila ufanekiswa nelitye elingcolileyo;  
Umntu odangeleyo ufanekiswa nomgquba womgquba;  
INTSHUMAYELI 22:1-2

Ukuba akukho mntu uzibambayo ekoyikeni uYehova,  
iya kubhukuqwa indlu yakhe. INTSHUMAYELI 27:3

Mqeqeshe unyana wakho, umfunze, hleze abe  
sisikhubekiso kuwe ihambo yakhe evakalala.  
INTSHUMAYELI 30:13

Mthumeleni ukusebenza, ukuba angasebenzi; ngokuba  
uvila lufundisa ububi obuninzi. INTSHUMAYELI 33:27